

URDHËR
Nr.607, datë 29.12.2010

**PËR HAPJEN E PROGRAMEVE TË CIKLIT TË TRETË, TË DOKTORATËS, NË
FAKULTETIN EKONOMIK TË UNIVERSITETIT TË TIRANËS**

Në mbështetje të nenit 102 të Kushtetutës dhe të neneve 26 dhe 42 të ligjit nr.9741, datë 21.5.2007 “Për arsimin e lartë në Republikën e Shqipërisë”, të ndryshuar,

URDHËROJ:

1. Hapjen e programeve të studimeve të ciklit të tretë, të Doktoratës, në Fakultetin Ekonomik të Universitetit të Tiranës, në vitin akademik 2010-2011, si më poshtë vijon:

- a) Doktoratë në kontabilitet;
- b) Doktoratë në menaxhim;
- c) Doktoratë në kërkime operacionale;
- d) Doktoratë në financë;
- e) Doktoratë në sistemet e informacionit në ekonomi;
- f) Doktoratë në statistikë;
- g) Doktoratë në marketing;
- gj) Doktoratë në ekonomiks.

2. Programet e studimeve të Doktoratës, në Fakultetin Ekonomik të Universitetit të Tiranës, zgjasin të paktën 3 vite akademike dhe përfshijnë 60 kredite për studime të organizuara teorike.

3. Në përfundim të programeve të studimeve të Doktoratës, në Fakultetin Ekonomik të Universitetit të Tiranës, lëshohet diplomë për gradën shkencore “Doktor” (Dr.).

4. Ngarkohen Sekretari i Përgjithshëm dhe Drejtoria e Arsimit të Lartë dhe Kërkimit Shkencor të MASH, dhe Universiteti i Tiranës, për zbatimin e këtij urdhri.

Ky urdhër hyn në fuqi menjëherë dhe botohet në Fletoren Zyrtare.

MINISTRI I ARSIMIT DHE SHKENCËS
Myqerem Tafaj